

再續華州志

光緒壬午年重鐫

劉域題籤

卷三
卷四
卷五
卷六
藝文志
官師志
職官傳

再續華州志目錄

卷一

地理志

沿革

建置

山川

陵墓

卷二

祠祀志

風俗攷

卷三

田賦志

卷四

藝文志

卷五

官師志

卷六

官師傳

卷七

人物志上

仕宦

卷八

人物志中

忠烈

孝行

義行

卷九

人物志下

鄉耆

處士

卷十

列女傳

卷十一

贈封攷

卷十二

選舉攷

武科

例貢

督修姓氏

郭庠彦

薛廷榮

趙寧邦

馬可棟

採訪姓氏

康爾慶

杜文學

劉怡

梁廉

王味旦

張侃

李濬

王 喆

再續華州志

再續華州志目錄終

再續華州志卷之一

勝州賀登雲

曠如山人史

萼續次

麻陽田培因

全校

江寧樸存汪以誠編閱

成紀曹鄒蒞

會稽蔣三達

地理志

沿革

建置

州之建置自秦漢至於明季其間移易殊制前志已詳言之茲即百餘年之沿革者考覈而詳載之以備後覽焉自康熙十二年起至乾隆五十二年止以後祠祀田賦官師人物俱依此爲

例

舊志載華州屬西安府於雍正三年陞華州爲直隸轄蒲城華陰潼關三縣至乾隆元年同州改府州去直隸屬同州府

州之州同於乾隆十八年缺裁

州之州判於康熙四十八年缺裁至乾隆四十二年復設

州之學額舊志載文童十五名於雍正十一年奉文增五名武童十五名於雍正八年奉文增五名文武各二十名

州之城郭其制未改乾隆四年知州王公二南奉
文重脩至乾隆五十年今知州汪公補葺缺陷脩
理女牆俾鞏固焉

州治公署規模仍舊至乾隆三十二年知州瑪公
星阿繼任潘公時選次第脩之較前更爲壯麗

州同公署在州治大堂之東至乾隆十八年缺裁
宅附州署今之東花亭卽其址也

州判公署舊在州治大堂之西康熙四十八年缺
裁宅附州署至乾隆四十二年復設其宅建於大

街官路之北係知州楊公徽創建

其地二畝係城隍廟官地以開

元寺後官
地易之

吏目公署在州治大堂之西南隅其制未改而因
時脩葺較前則更加潤色

儒學公署在州治之東阜城之東南隅也學正宅
在明倫堂後屋僅容膝訓導舊無公署賃居民舍
乾隆二十五年知州吳公炳捐俸勸捐而建焉在
明倫堂之東訓導秦州楊公世傑題曰菁莪堂
明倫堂自馮公昌奕重建後至乾隆五六年知州
徐公天麒繼任王公二南重脩

駐防營舊無定所乾隆二十五年知州席公紹葆

詳請上憲在東門內街北開元寺西創建

文廟在學署之東其制未變於乾隆四年知州董公權文倡紳士重脩至乾隆四十八年知州楊公徽奉部議頒帑銀重脩

尊經閣在明倫堂之後歷年頒書藏焉

敬一亭在尊經閣之後五十二年今知州汪公捐俸重脩

文廟舊無角門乾隆二十五年知州趙公德潤捐俸創建榜其西曰德配天地東曰道貫古今

魁星樓在城上東南乃乾隆二十年學正薛公宁

廷勸紳士捐貲所建次年丙子鄉科郭安李灼俱
登第而李於丁丑連捷人以爲建樓之驗

崇聖宮在文廟之東知州楊公徽曾補葺焉

名宦鄉賢忠孝祠俱在戟門外忠孝祠於乾隆四
十九年經雨傾圯今知州汪公捐俸脩葺

文昌祠在櫺星門東知州楊公徽曾加補葺
節義祠在學署之南後裔曾爲重脩

先農壇在東郊雍正五年知州王公德地奉

旨置建藉田四畝九分

八蜡廟在京城外

鄭桓公祠在西關外

郭汾陽王祠在東郊

寇萊公祠在西關外

姬忠烈公祠在西關外

城隍廟在州治之東制仍其舊乾隆二十一年知
州張公廷宇重脩未畢工而陞至三十年瑪公星
阿董率告厥成功

金僊寺在州西七里廼萬歷三十五年所建歷年
久遠風雨剝蝕殿宇傾圯神像暴露乾隆五十一年
冬陝西鹽法道舒目覩感懷捐俸倡衆而重

建焉

州之學田四十八畝四分收租麥穀共六石二斗八升八合半給廩生半給貧士

常平倉在州治之西舊志十座各三間於雍正七年增建一座五間合新舊共三十五間

社倉一十一處一在城內其餘在鎮在堡者悉仍其舊惟大張社之倉因遭水患今移之北門外陳家村每處一座座各三間

官廐在州治大門內東有馬神廟卽昔之華山驛也養馬八十四匹州馬五匹乾隆五十一年今知

州汪公重脩又於大門內添設所夫廳以便公事
舊志大門內有鐘鼓樓二座今已久經傾圮

養濟院在東門內其制仍舊不時脩葺

演武教場在西郭之北

諸急遞舖總舖在官廐迤東三舖曰羅紋橋曰柳
子鎮曰分界至華陰界迤西三舖曰十里舖曰白
泉舖曰赤水至渭南界

陰陽學

官曰
典術醫學

官曰
典科

以及僧正司道正司均無

定所各隨所在而居焉若夫諸行署旌善亭申明
亭舊志有載其地者而今則久廢矣

泮池舊爲土壕引太平峪五眼泉水注而不洩舊志以爲翕聚之象乾隆二十年學正薛公宁廷勸紳士捐助砌以磚石煥然新焉

秀峯書院在城內官道之南本督學校士署也前任史公文楷創建馮公昌奕重脩每歲科兩試華商二州之士咸集自乾隆元年同州改府生童俱赴府棚考試此署遂閒號舍傾圯堂宇猶存知州席公紹葆倡捐改建爲書院又查勸州城內外官地一百畝有零經畫區處以爲師生膏火之資延請師長訓課其中蓋彬彬乎稱盛舉焉撫軍桂林